

امور اداره و تحریریه سنه سلاتیکلی
توزیع اقدی نظارت ایدر .

امور اداره و تحریریه سنه متعلق خصوصیات
ایچون توفیق اقدی به مراجعت اولتور .

مجموعه ادب

۱۷ ۱۳

ادبیات ، فنون و معارف و مطایبات
ادبیه و شئون معارف و ترقیدن بحث
ایدر . تنویر افکاره خدمت ایلر .

در سعادت و ولایات شاهانه ایچون بر
سنه لك آتونه سی بکرمی بش غروشدور .
آتونه اجرتی برینه پوسته بولی قبول
ایدیلیر . مرکز سی شمیدیک باب عالی
جاده سنده عطار بورغاک اقدینک
دکاتیدر .

استانبول ایچون نسخہ سی : ۲۰ پاره یه در . - شمیدیک پنجمینده کونلری نشر اولتور - ولایات شاهانه ایچون نسخہ سی : ۲۰ پاره یه در .



نایب شاه

نایب شاه

هپ صنوف زیر دستانک قرین مسعدت
عهد پر نور ملوکانه کده زحمت منعدم
ورد مزدرهپ دوام عمر واجلالک سنک
عند مزدره بود عادر فرض قدسی اهم

بیك چراغ معرفت ایتقاد ایدن عرفانکه
عرض تعظیبات ایچون هر بر وسیله مغتنم
اولقدر اعمارہ ایتدک بذل اقدام وکرم
قالمدی ملککده شمیدی بر بنای منهدم

مرحمت آثار ، معالی کستر عالیهمم
ای بلند اقباله مالک ، ای شه دارا حشم
دولتک اقبال عال المالکی تأمیندر
نزد شاهانه کده بر امر اهم و ملتزم

بو روز فیوضات بروز عالی صباح الخير عثمانیان . تجلی انداز آفاق اکواندر . فیوضات قدسیه سنک برلمه سی بیك شمس تابداره بدل ، آوان مقدسه سی بتون عثمانیان و اهل اسلام نظرندہ میجلدر . حلول شرافت شمولى بزه او زمان سعادت اقترانی اخطار ایدرکه آندہ وجود بهبود حضرت ظل اللهی اریکه پیرای شان اولهرق بر دوره مسعدتک باب رفاهت مأبى کشاده اولمش ، جهان سراپا انوار سعود ایلہ طولمشدر .
او دوره مسعوده حقیقه بود دولت و مملکتک اقبال و سعادتى تأمین ایتمشدر . بوکون مملکتک هر طرفه نظر افتخار ایلہ باقی بیلیر . هر برده لامعات ترقی تجلی اندازدر . بو قدر مؤسسات معارف و نافعہ آنجق الی قیام الساعه تمدنی دلسنه مداوم اولدینمز او دوره مسعدتک آثار مباهات دنارنددر .
انوار عنایات جناب ظل اللهینک ال بارلاق آثار فیوضاتی زمین انور معارف اوزرندہ کورولمشدر . ثمره تشویقات جناب پادشاهیلری اولق اوزره هر جنس آثار مطبوعه و مدونات او قدر چوغالدى که بالکتر عصر جناب تاجداریلرندہ کسوه پذیر طباعت اولمش آثار برکزیده متنوعه ایلہ بر بیوک کتابخانه عرفان تأسیسی ممکندر . زیر دستانی نعمت جلیله معارفدن مستفید و مستفیض ایتک اوزره دور جلیل بیعدیل حضرت خلاقیتناهیلرندہ مصروف بیوریلان عنایات جلیله و برکزیده نیک جله من منتداری یز .
خصوصیات سائرده کی مآثر جلیله و موفقیات جزیلہ حضرت تاجدار اکرمیلری اومرتبه بی حد و بی نهایتدرکه تعدادینه هیچ کیمسه قدرتیاب اولهمن . مع ماقیه ولی نعمت بیعت معالی پناه اقدمن حضرتلرینک عهد مسعود هایونلری ربع عصره رسیده اولدینی برصرده او غیر قابل تعداد مآثر و موفقیات برکزیده بی مختصراً اولسون تحدیث نعمت قیلتدن ذکر و ایراد ایلیمک وجانب عبودیت و مصادقتندر .
ممالک محروسه حضرت پادشاهی باشند باشه کریلسون هر برده مشهود باصره افتخار اولهجنق بی نهایت آثار نافعہ نیک هپ طفرای غرای جناب پادشاهی و نام نامی حضرت ظل اللهی ایلہ موشح اولدینی کوریلیر . اسلاف کرام علین مقام عالیلرندن هیچ بریسی بکرمی بش سنه طرفندہ بو قدر آثار عالی نافعہ وجوده کتیرمه موفق اوله مامشدردر .
اعصار سالفده بر شهرده بر مدرسه ، بر مکتب ، بر حمام ، بر بدستان ، بر چارشی ، بر چشمه ، بر سیل ، بر خان و نهایت برنهر اوزرندہ برکوبری وجوده کتیریلیرایدی .
عصر جناب پادشاهیده دخی بو مؤسسات نافعہ کاملاً وجوده کلکله برابر ترقیات عصریه آوارندن اولهرق لیانلر ، شمند و فرلر ، ریختلر و میزاب نروت اولهجنق سائر برچوق اثرلر وجوده کشددرکه بونلرک بالکتر بریسی اعصار سالفه نیک بیکرجه مؤسساته بدلدر .
اشته بونلر هم برکزیده و عنایات جلیله جناب تاجدارى سایه جلیلنده ساحه پیرای موفقیات اولمشدر .

په روز فرخنده و معالده بز نام نامی حضرت جهانپسائی فی نصل تعظیبات و تکریمات فائده ایلده بر آورده لسان مصادقت ایتمیزکه مظهر اولدینمیز هرگونه معالی
مستکبره وجودیه افتخار ایلدیکمز هر اثر عالی ظلاله و فیرالمالی اقدمز حضرتلرینک یادگار جلیل الانار هایونلریدر .
عنایلر البته پوروز فیض افروزی تقدیس ایدرلر . بکرمی بش سندهبری علی القادری نائیلته منتدار اولدینمیز عنایات و تعطفات سفیه حضرت پادشاهینک دیون تشکراتی
نیه بالغ اولدینقی بزه آنجق بو روز بهجت ، بو یوم مسعدت اخطار ایدر .
بنام علیه او دیون تشکراتی ایفاء بوکون و بوکجه بتون عنایلر اعلان سرور و شادمانی و اظهار مآثر کامرانی ایلده جکدر . ممالک محروسه حضرت پادشاهیده ال
بیوک کاشانه لردن ، ال کوچک خانه لره قدر هر یرده بر دارالسرور ، بر دارالصفا ترتیب اولنه جق ، هر لسان متحتم ذمت عبودیتی اولدینقی وجه ایلده

(پادشاهم چوق یشا)

دعوات خیره سنی تکرار ایلده زینت یاب اوله جقدر .

بودای عالی بی تکرار علی التکرار یاد و تذکار ایلکم و سوکیلی پادشاه معالی اکتناهمز اقدمز حضرتلرینک جلوس میامن مانوس حضرت تاجداریلری بکرمی بشتنجی
سنه دوریه مسعوده سنی ادراک ایلکم بختیارلغه مظهر اولدینمزدن طولانی بکدی بکرمی تبریک ایلده بارکاه بالا درگاه خدای مستعاندن او خلیفه مقدس ، او پادشاه افخم
واقس اقدمز حضرتلرینک توافر ایام عافیت و دولتی متضرعانه استرحام و نیاز ایتمک وظائف مخصوصه عبودیتزدندر .
سایه معالیوایه حضرت تاجدار اعظمیلرنده مملکتیزده نیجه چراغ معارف و علوم ایقاد اولندی که بونلردن برسیده شو مجموعه عجز و افتقاردر ، ولی نعمت بیتمیز ، شهریار
معالی مقبتمز اقدمز حضرتلرینک تشریف امر و فرمان بیورمق صورتیه آثار مبعوله عنایت پروری ابراز بیورمش اولدقلری زماندنبیری آمال قدسیه و منویات
منوره جناب ظل الهی دائره نجاح باهره سنده نشر آثار علوم و فنونه اهتمام ایلده حالجه ، اقتدار نیجه ترقی معارفه خادم اولغه جالیشبور ، بویله بر روز مسعدت بروز
عالیده جهانی احیا ایلده جک درجهده فیاض بهترین اولان حسن نظر کیمیا اثر حضرت جهانپسائی لطفاً و تنزلاً شو مجموعه کترین اوزرینهده معطوف اوله جق اولورسه
اوزمان شو ذره ناجیز بر جهان مباهات اوله جق ، هر سطرانده ، هر ستوننده ، هر خیفه سنده دعای توافر صحت و اقبال و عافیت و اجلال جناب ظل الهی انواری بارلایه جقدر .
همان جناب رب مستعان محیی مبانی ملک و دولت و فرمان فرمای خطه عرفان و کیاست ، پادشاه عالی بارگاه و شهنشاه قدسیت بنام اقدمز حضرتلرینی مادام الزمان
اریکه پیرای عز و شان بیوروب عهد انور حضرت ملوکانه لرینک بکرمی بشتنجی سنه دوریه مسعوده سنی مشاهده بختیارلغیه مسعود اولان صنوف تبعه ملوکانه لرینی سایه
معالیوایه جناب کیتی ستایلرنده هر درلو سعادات و رفاهیه قرین و مظهر بیورسون آمین بحرمه سید المرسلین .



مصلحت

انجمن دانش بین الملل

و

کلیات علوم و فنون اسلامی

مجموعه مزک اقسام مخصوصه سنی
مطلعه نظر مطالعه دن کچیرلر ممالک
مختلفه ضریبهده بولنان اقادمیلردن عمومک
اشتراکله برانجمن دانش بین الملل تشکیلی
مصمم بولندینغه دائر اوله ویردیکمز
معلوماتی البته نخطر ایدرلر .

جهان علم و معرفتک محکمه فوق -
العاده سنی اوله جق بویله بر تأسیس مهمک
وجوده کتیرلمسی فکرینک لایح خاطر
اولمسی ترقیات عصریه آتارندندر .

مسائل فیه و علمیه دن برجسوغی
واردرکه بین الملل مذاکرات جریانی
استانزام ایدر . شمعی به قدر بوکچی
مذاکراتی حاضرلایه جق بر مؤسسه
بین الملل مفقود ایدی . فقط وجوده
کتیرلمسی تصمیم ایدلش بولنان انجمن
دانش بین الملل بوقفدانی بر طرف ایلده جک
و بعد ما ترقیات علمیه و فیهه متعلق بر امر
جسیم وجوده کتیرلمسی لزومی حس
اولتجه بر انجمن دانش بین الملل آنک
اسباب حصولی استکمال ایلده جکدر .

اوروپا غریبه لری طرفندن ویریلن
معلوماته کوره انجمن دانش بین الملل
تشکیلی چون ممالک مختلفه انجمن دانشریه
کوندریلن دعوتنامه لره هنوز تمامیه جواب
کده مش ایلده شمعی به قدر جواب
موافقت کوندن انجمنلرک تعیین ایتمش
اولدقلری مرخصلرک مقداری انجمن
دانش بین المللک یارسده عقد اجتماع ایلده
مذاکراته باشلامنه مساعد اوله جق
درجهده بولنش اولدینندن بوندن اول
ایلك اجتماع وقوع بولمش اولدینقی کچی
ایکنجی اجتماع ده مایس افرنجینک ایکسده
بارسده مازارن سراینده وقوع بولمشدر .
اشبو ایکنجی اجتماعده هنوز هر
طرفدن موافقت جوابلری کده مش اولدینقی
جهتله انجمن دانش بین المللک برنجی
اجتماع عمومینک کله جک ۱۹۰۱ سنه سنی
نیساننک اون التیسه تعلیقنه قرار ویرلمشدر .
مع مافیه ایکنجی اجتماع خصوصیه
حاضر بولنش اولان مرخصلره بر طاقم
مسائل فیه و علمیه به دائر قلمه آنش
لا بخر توزیع قلمشدرکه کله جک اجتماع
عمومی به قدر هر کس بولری عریض
و عمیق تدقیق ایدرک اجتماع مذکورده
قبول وردلری حقننده بیان مطالعات
ایده جکدر .
لواح مقدمه دن برینتی آفریشاده

بر نصف النهار دائره سنک مساحه سی ،
ایکنجیسی هنوز نشر ایدلمش اولان
بیرانتین آثار علمیه و تاریخیه سنک طبع
و تمثیلی و اوچنجیسی ده بر کلیات علوم
و فنون اسلامی و وجوده کتیرلمسی ماده سنه
متعلق ایتمش .

شو حالده انجمن دانش بین المللک
ایلك اجتماع عمومینسده اسلامه متعلق
غایت مهم بر اثر وجوده کتیریله جک
دیمک اولمسیله انجمن مذکور بالخاصه
بزم دخی جالب نظر دقتمز اولمق
ضروریدر .

اوروپاده اسلامه متعلق بر آنسیقلو -
به دی وجوده کتیرلمسی منافع اسلامیجه
قایت مهمدر . شو عصر ترقیده بولنش
اولمق و اوروپالیرک اسلام ایلده اولان
مناسباتی کوندن کونه چو غالمش بولنقله
برابرینه اوروپالیرک اسلام حقننده کی
وقوفی معلومات صحیحه دن زیاده خرافات
غریبه سیه مستند بولندینقی چوقدن بری
جالب نظر تأسف اولمش بر کیفیتدر .
علوم اسلامیجه دائر بر کلیات وجوده
کتیرلمک اوروپا ارباب فنونی اسلام حقننده
تبعات عمیق به سوق ایلده جکندن بو کیفیت
البته بر جوق حقایق مهمه نک مسامع غریبونه
ایصال و اساعته خدمت ایلده جکدر .

بویله بر کلیات جمع و تریینه فضلاء

اسلامک دخی اشتراک کوسترملرنده کی
اهمیت و منفعت محتاج ایضاح دکدر .
حتی ممالک اسلامییه دن برینسده انجمن
دانش بولندینغه کوره انجمن دانش
بین الملله دعوتی متضمن ممالک مذکوریه
برورقه فلان کلدیکی ملحوظ اولمه غله
برابر مادامک انجمن دانش بین المللک
بر تشبث مهمی ده اسلامه متعلقدر بویله
دعوت ورقه سی آنمه مش اولدینغه باقیه رقی
فضلائی اسلامییه نک انجمن مذکور کنده
یلنکرندن مراجعتلرنده بر بآس اوله من ،
حتی انجمن دانش بین المللک بویله بر
مراجعتدن بغایت ممنون اوله جقنی ده شمعی
بیان ایلده بیلیرز . اوروپالیر مسائل سیاه
سیهده بک زیاده تعصب کوستردکلری
حاله مسائل علمیه و فیههده مساعد کارلک
صوک مرتبه سته جیق مقندن کری طور منزل .
علوم اسلامییه دن هنوز آنلرک انظار
تبعنه ایریشه مش اولانلری فضلاء اسلامییه
کندیلرینه تلقین ایتمک وظیفه سنی درعهده
ایده جک اولورلرسه انجمن دانش بین
الملله وجوده کتیریله جک کلیات علوم
اسلامیه جدا بتون عالم مدنیته و بالخاصه
جهان اسلامیته فائده کلیه سنی اوله جق
بر اثر عالی مرتبه سنده مکمل اوله رقی
وجوده کله بیله جکدر .